



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁ**

ք. Երևան

12.09.2018թ.

Ո Ր Ո Շ ՈՒ Մ

ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ

ՔՆՆՈՂ ԱՆՁԻ

թիվ ԱՑ-ԷՍ-2018/120

ՀՀ գնումների հետ կապված բողոքներ քննող անձը՝ (այսուհետ՝ նաև Բողոքներ քննող անձ) ուսումնասիրելով Հայաստանի Հանրապետության ֆինանսների նախարարության կողմից 27.08.2018թ. թիվ 01.1/26-3/15359-18 գրությամբ «Պատրոն ՌՄ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, ՀՀ ոստիկանության (այսուհետ՝ նաև Պատվիրատու) 15.08.2018թ. թիվ 01.3/506622-18 գրության հիման վրա, 27.08.2018թ. նախաձեռնել է «Պատրոն ՌՄ» ՍՊԸ-ին (այսուհետ՝ նաև Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ նաև Ցուցակ) ներառելու ընթացակարգ՝ ՀՀ գնումների հետ կապված բողոքներ քննող անձին ներկայացնելով համապատասխան հիմքերը:

2. ՀՀ ոստիկանության ներկայացրած փաստարկները և դիրքորոշումը.

ՀՀ ոստիկանությունը 15.08.2018թ. թիվ 01.3/506622-18 գրությամբ դիմել է ՀՀ ֆինանսների նախարարությանը՝ հայտնելով հետևյալը.

«ՀՀ կառավարության 2017 թվականի մայիսի 4-ի N526-Ն որոշմամբ հաստատված «Գնումների գործընթացի կազմակերպման» կարգի 45-րդ կետի համաձայն, Ձեզ է ուղարկվում ՀՀ ԿԱ Ո ԳՀԱՊՁԲ-ՏԵԽ-2018/ՀՈՍՊ/Ա ծածկագրով գնանշման հարցման ընթացակարգին հայտ ներկայացրած «Պատրոն ՌՄ» ՍՊԸ-ի փաստաթղթերը՝ գնման գործընթացին մասնակցելու իրավունք չունեցող մասնակիցների ցուցակում ներառելու նպատակով:»:

ՀՀ ոստիկանությունը պատշաճ ծանուցվել է Բողոքներ քննող անձի կողմից հրավիրված նիստերի ժամանակացույցի վերաբերյալ, սակայն լիազորված որևէ ներկայացուցիչ չի ներկայացել:

3. «Պատրոն ՌՄ» ՍՊԸ-ի ներկայացրած փաստարկները և դիրքորոշումը.

«Պատրոն ՌՄ» ՍՊԸ-ն 04.09.2018թ. Բողոքներ քննող անձին ուղղված գրությամբ հայտնել է հետևյալը.

«ՍՑ-ԷՍ-2018/120 ընթացակարգի շրջանակներում ուսումնասիրվում է «Պատրոն ՌՄ» ՍՊԸ-ի (այսուհետ նաև՝ Ընկերություն) ՀՀ ԿԱ ոստիկանության կարիքների համար կազմակերպված ՀՀ ԿԱ Ո ԳՀԱՊՁԲ-ՏԵԽ-2018/ՀՈՍՊ/Ա ծածկագրով ընթացակարգի շրջանակներում ստանձնած պարտավորություն թույլ տալու հանգամանքը, որի համար հիմք է հանդիսացել՝ ՀՀ ԿԱ ՊԵԿ-ի կողմից 03.08.2018թ. տրված եզրակացությունը, համաձայն որի «Պատրոն ՌՄ» ՍՊԸ-ն 19.07.2018թ. դրությամբ (հայտը ներկայացնելու օր) ՀՀ պետական բյուջեի նկատմամբ ունի հարկային մարմնի կողմից վերահսկվող եկամուտների գծով օրենքով նախատեսված շեմը գերազանցող ժամկետանց պարտավորություններ 34.106 ՀՀ դրամ գումարի չափով:

ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Պատրոն ՌՄ» ՍՊԸ-ն «Էվոկաբանկ» ՓԲԸ-ում բացված իր հաշիվներից՝ 19.07.2018թ. արդեն իսկ վճարել է ՀՀ պետական բյուջեի նկատմամբ ունեցած

պարտավորությունների վճարը, սակայն անհասկանալի պատճառներով միասնական հաշիվներին երևացել է միայն 20.07.2018թ.:

Վերոնշյալ խնդրի վերաբերյալ ՀՀ գնումների հետ կապված բողոքներ քննող անձ Է. Սարգսյանի կողմից արդեն իսկ քննվել է «Պատրոն ՌՄ» ՍՊԸ-ի կողմից մեկ այլ ընթացակարգի շրջանակում նույն ժամկետանց հարկային պարտավորության վերաբերյալ ստանձնած պարտավորություն թույլ տալու հանգամանքը, որի վերաբերյալ 27.08.2018թ. կայացվել է ՍՑ-ԷՍ-2018/116 որոշումը, որով ՀՀ գնումների հետ կապված բողոքներ քննող անձը գտել է, որ «Պատրոն ՌՄ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:»:

Բողոքներ քննող անձի կողմից հրավիրված նիստերին մասնակցում էր Ընկերության լիազորված ներկայացուցիչ Արթուր Պարանյանը:

4. ՍՑ-ԷՍ-2018/120 ընթացակարգի քննության համար էական նշանակություն ունեցող փաստերը, Բողոքներ քննող անձի հիմնավորումները և եզրահանգումը.

Բողոքներ քննող անձն ուսումնասիրել է ՀՀ ֆինանսների նախարարության կողմից 27.08.2018թ. թիվ 01.1/26-3/15359-18 գրությունը և կից փաստաթղթերը, ՀՀ ոստիկանության 15.08.2018թ. թիվ 01.3/506622-18 գրությունը և կից փաստաթղթերը, «Պատրոն ՌՄ» ՍՊԸ-ի կողմից Բողոքներ քննող անձին 04.09.2018թ. ներկայացրած գրությունը, ՀՀ ԿԱ Ո ԳՀԱՊՁԲ-ՏԵԽ-2018/ՀՈՍՊ/Ա ծածկագրով գնանշման ընթացակարգի հրավերը (այսուհետ՝ նաև Հրավեր), ՀՀ ԿԱ Ո ԳՀԱՊՁԲ-ՏԵԽ-2018/ՀՈՍՊ/Ա ծածկագրով գնանշման հարցման հանձնաժողովի (այսուհետ՝ նաև Հանձնաժողով) 27.07.2018թ. ժամը 12:00-ին կայացած նիստի թիվ 3 և 06.08.2018թ. ժամը 12:00-ին կայացած նիստի թիվ 4 արձանագրությունները, «Պատրոն ՌՄ» ՍՊԸ-ի կողմից ներկայացրած մասնակցության հայտի պատճենը, ՀՀ ԿԱ պետական եկամուտների կոմիտեի կողմից 03.08.2018թ. տրված եզրակացությունը, ՀՀ գնումների հետ կապված բողոքներ քննող անձի 27.08.2018թ. ՍՑ-ԷՍ-2018/116 որոշումը .

ՀՀ ոստիկանության կարիքների համար՝ համակարգչային տեխնիկայի ձեռքբերման նպատակով կազմակերպված ՀՀ ԿԱ Ո ԳՀԱՊՁԲ-ՏԵԽ-2018/ՀՈՍՊ/Ա ծածկագրով

գնանշման հարցման ընթացակարգին (այսուհետ՝ նաև Ընթացակարգ) մասնակցության հայտ է ներկայացրել «Պատրոն ՌՄ» ՍՊԸ-ն:

Ընկերությունը ընթացակարգին մասնակցելու նպատակով ներկայացված հայտի N2 հավելվածով՝ ընթացակարգին մասնակցելու նպատակով հրավերով սահմանված մասնակցության իրավունքի պահանջներին համապատասխանելու մասին հայտարարությամբ, հայտարարել և հավաստել է, որ բավարարում է ՀՀ ԿԱ ՈՒ ԳՀԱՊԶԲ-ՏԵԽ-2018/ՀՈՍՊ/Ա ծածկագրով գնանշման հարցման հրավերով սահմանված մասնակցության իրավունքի պահանջներին:

Հանձնաժողովը 27.07.2018թ. ժամը 12:00-ին կայացած նիստի թիվ 3 արձանագրության

- 7-րդ կետով որոշել է 1-ին, 2-րդ, 3-րդ, 5-րդ, և 10-րդ չափաբաժիններով առաջին տեղ զբաղեցրած մասնակից ճանաչել՝ «Պատրոն ՌՄ» ՍՊԸ-ին:

- 9-րդ կետով ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 43-րդ կետի 3-րդ ենթակետի համաձայն որոշել է հարցում ներկայացնել ՀՀ ԿԱ պետական եկամուտների կոմիտե առաջին տեղը զբաղեցրած մասնակցի՝ հայտը ներկայացնելու օրվա դրությամբ ՀՀ հարկային մարմնի կողմից վերահսկվող եկամուտների գծով պետական բյուջեի նկատմամբ ժամկետանց հարկային պարտավորությունների վերաբերյալ:

ՀՀ ԿԱ պետական եկամուտների կոմիտեի կողմից 03.08.2018թ. տրամադրած եզրացության համաձայն «Պատրոն ՌՄ» ՍՊԸ-ն ունեցել է հարկային մարմնի կողմից վերահսկվող եկամուտների գծով ժամկետանց պարտավորություն՝ 34.106 ՀՀ դրամ գումարի չափով:

Հանձնաժողովը 06.08.2018թ. ժամը 12:00-ին կայացած նիստի թիվ 4 արձանագրությամբ արձանագրել է, որ «Պատրոն ՌՄ» ՍՊԸ-ն ՀՀ ԿԱ պետական եկամուտների կոմիտեի կողմից տրամադրած եզրացության համաձայն հայտը ներկայացնելու օրվա դրությամբ ունի ժամկետանց հարկային պարտավորություն:

Նույն արձանագրությամբ Հանձնաժողովը որոշել է մերժել «Պատրոն ՌՄ» ՍՊԸ-ի կողմից ներկայացված հայտը:

ՍՑ-ԷՍ-2018/116 ծածկագրով ընթացակարգի քննության շրջանակներում «Պատրոն ՌՄ» ՍՊԸ-ի ներկայացուցիչը Բողոքներ քննող անձի կողմից հրավիրված նիստի ժամանակ հայտնել է, որ «Պատրոն ՌՄ» ՍՊԸ-ի 34,105 ՀՀ դրամ ժամկետանց հարկային պարտավորությունը գոյացել է 17.07.2018թ. կատարված ճշգրտման արդյունքում՝ որպես տույժ: Տեղեկանալով առաջացած տույժի մասին Ընկերությունը 18.07.2018թ. հարկերի միասնական հաշվին վճարել է 1,570.000 ՀՀ դրամ, հունիս ամսվա եկամտահարկի և 17.07.2018թ. ճշգրտման արդյունքում առաջացած տույժի մարման նպատակով: Սակայն հաշվին առկա գումրից 18.07.2018թ. մարվել է 2018թ. հունիս ամսվա եկամտային հարկը՝ 261,733 ՀՀ դրամի չափով, այնուհետև՝ նաև 2018թ. հունիս ամսվա ԱԱՀ-ի (որի վճարման վերջնաժամկետը լրանում է 20.07.2018թ.) մի մասը՝ 1,238,266 ՀՀ դրամի և 70,000 ՀՀ դրամի չափով: Պարզելով, որ 18.07.2018թ. անհասկանալի պատճառներով չի մարվել առկա տույժը, այլ մարվել է 2018թ. հունիս ամսվա ԱԱՀ-ի մի մասը՝ չնայած այն հանգամանքի, որ Ընկերությունը դեռևս չէր նախատեսել ԱԱՀ-ի վճարումները, «Պատրոն ՌՄ» ՍՊԸ-ն 19.07.2018թ. հարկերի միասնական հաշվին վճարել է ևս 9,570,000 ՀՀ դրամ: Ընթացակարգին մասնակցելու նպատակով հայտը ներկայացնելուց հետո պարզվել է, որ հայտը ներկայացնելու օրը՝ 19.07.2018թ. վճարված 9,570,000 ՀՀ դրամը մուտքագրվել է ՀՀ ԿԱ ՊԵԿ-ի միասնական հաշվին միայն 20.07.2018թ., ինչի արդյունքում տույժի մարումը ևս կատարվել է 20.07.2018թ.: Այդպիսով, 20.07.2018թ. մարվել է ԱԱՀ-ի գծով մնացորդը՝ 8,292,295 ՀՀ դրամը, տույժը՝ 34,105 ՀՀ դրամ (համապատասխանաբար՝ 12,557 ՀՀ դրամ, 5,343 ՀՀ դրամ, 11,415 ՀՀ դրամ, 4,79 ՀՀ դրամ): Ընկերությունը հայտը ներկայացնելու օրը կատարել է իր հարկային պարտավորությունները, սակայն դրանք ՀՀ ԿԱ ՊԵԿ-ի համակարգի աշխատանքի առանձնահատկություններով պայմանավորված՝ հաշիվներից մարվել է միայն 20.07.2018թ.:

Միաժամանակ Ընկերությունը Բողոքներ քննող անձին ներկայացրել է.

- Ընկերության կողմից 19.07.2018թ. «ԷՎՈԿԱԲԱՆԿ» ՓԲԻ-ի միջոցով՝ ԱԱՀ-ի գծով պարտավորությունների կատարման նպատակով, Կենտրոնական գանձապետարանի միասնական հաշվին (900008000490) փոխանցված 9,570,000 ՀՀ դրամի թիվ 2978 բյուջետային փոխանցման վճարման անդորրագիրը:

- ՀՀ ԿԱ ՊԵԿ կողմից 31.07.2018թ. «Պատրոն ՌՄ» ՍՊԸ-ին տրված՝ «Հարկային մարմնի կողմից վերահսկվող եկամուտների գծով պարտավորությունների, դեբետային գումարների, սահմանված չափից ավել վճարված գումարների և միասնական հաշվում առկա գումարների վերաբերյալ» տեղեկանքը, ըստ որի Ընկերությունը 19.07.2018թ. դրությամբ ունեցել է 8,326,400 ՀՀ դրամի չափով (8,292,295 ՀՀ դրամի չափով՝ ԱԱՀ-ի գծով և 34,105 ՀՀ դրամի չափով՝ տույժի գումար) հարկային պարտավորություն:

- ՀՀ ԿԱ ՊԵԿ կողմից 31.07.2018թ. «Պատրոն ՌՄ» ՍՊԸ-ին տրված՝ «Հարկային մարմնի կողմից վերահսկվող եկամուտների գծով պարտավորությունների, դեբետային գումարների, սահմանված չափից ավել վճարված գումարների և միասնական հաշվում առկա գումարների վերաբերյալ» տեղեկանքը, ըստ որի Ընկերությունը 20.07.2018թ. դրությամբ որևէ հարկային պարտավորություն չի ունեցել, իսկ վերջինիս հաշվում առկա դեբետային մնացորդը կազմել է 1,243,597 ՀՀ դրամ:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի՝

- 32-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է իր կողմից հաստատված հայտարարություն՝ հրավերով սահմանված մասնակցության իրավունքի և որակավորման չափանիշներին իր համապատասխանության մասին,

- 43-րդ կետի 3-րդ ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային փոստի միջոցով Հայաստանի Հանրապետության կառավարությանն առընթեր պետական եկամուտների կոմիտե (այսուհետ՝ կոմիտե) հարցում է ներկայացնում առաջին տեղն զբաղեցրած մասնակցի՝ հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև ինչպես նաև հրավերով «ֆինանսական միջոցներ» որակավորման չափանիշի գնահատման համար սահմանված պայմանների առկայության վերաբերյալ՝ ներկայացնելով մասնակցի անվանումը և հարկ վճարողի հաշվառման համարը.

- 44-րդ կետի համաձայն՝ կոմիտեն նույն կարգի 43-րդ կետի 3-ին ենթակետով նախատեսված հարցումն ստանալու օրվան հաջորդող երկու աշխատանքային օրվա

ընթացքում էլեկտրոնային եղանակով պատվիրատուին տրամադրում է հարցման մասին տեղեկատվություն: Եթե կոմիտեի կողմից սահմանված ժամկետից ուշ ներկայացված տեղեկատվությամբ արձանագրվում է, որ առաջին տեղն զբաղեցրած մասնակիցը հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեցել է օրենքով նախատեսված շեմը գերազանցող ժամկետանց պարտավորություններ կամ չի բավարարում հրավերով «Ֆինանսական միջոցներ» որակավորման չափանիշի պահանջները, և պայմանագիրը կնքված չէ, ապա տվյալ մասնակցի հայտը մերժվում է: Եթե սահմանված ժամկետում տրամադրված տեղեկատվության արդյունքում մասնակցի ներկայացրած հայտարարությունը որակվում է իրականությանը չհամապատասխանող, ապա հայտերի գնահատման նիստում հանձնաժողովի որոշմամբ տվյալ մասնակցի հայտը մերժվում է՝ անկախ մասնակցի կողմից կոմիտեի տրամադրած տեղեկատվությունից տարբերվող տեղեկատվություն ներկայացվելու հանգամանքից:

- 45-րդ կետի համաձայն՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում գրավոր տրամադրում է գնումների բողոքարկման խրոհրդին:

«Ոստիկանության կարիքների համար՝ համակարգչային տեխնիկայի ձեռքբերման նպատակով կազմակերպված ՀՀ ԿԱ Ո ԳՀԱՊԶԲ-ՏԵԽ-2018/ՀՈՍՊ/Ա ծածկագրով գնանշման հարցման ընթացակարգի հրավերի՝

- 7.2 կետի համաձայն՝ հայտերը գնահատվում են նույն հրավերով սահմանված կարգով: Բավարար են գնահատվում սույն հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

- 7.13 կետի 3-րդ ենթակետի համաձայն՝ Հանձնաժողովի քարտուղարը հայտերի բացման նիստի ավարտից հետո ոչ ուշ քան հաջորդող աշխատանքային օրը՝ էլեկտրոնային փոստի միջոցով Հայաստանի Հանրապետության կառավարությանն առընթեր պետական

եկամուտների կոմիտե (այսուհետ՝ կոմիտե) հարցում է ներկայացնում առաջին տեղ զբաղեցրած մասնակցի՝ հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների առկայության վերաբերյալ՝ ներկայացնելով մասնակցի անվանումը և հարկ վճարողի հաշվառման համարը: Ընդ որում նույն ենթակետում հարցումն ուղարկվում է Lena_Najaryan@taxservice.am էլեկտրոնային փոստի հասցեին նույն հրավերի 8-րդ հավելվածով նախատեսված ձևին համապատասխան՝ էլեկտրոնային նամակի պատճենները միաժամանակ ուղարկելով karine_sargsyan@taxservice.am, gor_mkrtchyan@taxservice.am և procurement@minfin.am էլեկտրոնային փոստի հասցեներին.

• 7.15 կետի համաձայն՝ Կոմիտեն նույն հրավերի 1-ին մասի 7.13 կետի 3-րդ ենթակետով նախատեսված հարցումն ստանալու օրվանից երեք աշխատանքային օրվա ընթացքում էլեկտրոնային փոստի միջոցով պատվիրատուին տրամադրում է հարցման մասին նույն հրավերի 9-րդ հավելվածով նախատեսված ձևին համապատասխան տեղեկատվություն: Նույն կետով սահմանված ժամկետում կոմիտեից տեղեկատվության չստացման դեպքում մասնակցի ներկայացրած հայտարարությունները համարվում են իրականությանը համապատասխանող: Եթե կոմիտեի կողմից սահմանված ժամկետից ուշ ներկայացված տեղեկատվությամբ արձանագրվում է, որ առաջին տեղ զբաղեցրած մասնակիցը հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեցել է Օրենքով նախատեսված շեմը գերազանցող ժամկետանց պարտավորություններ և պայմանագիրը կնքված չէ, ապա տվյալ մասնակցի հայտը մեժվում է: Եթե սահմանված ժամկետում տրամադրված տեղեկատվության արդյունքում մասնակցի ներկայացրած հայտարարությունը որակվում է իրականությանը չհամապատասխանող, ապա հայտերի գնահատման նիստում հանձնաժողովի որոշմամբ տվյալ մասնակցի հայտը մերժվում է՝ անկախ մասնակցի կողմից կոմիտեի տրամադրված տեղեկատվությունից տարբերվող տեղեկատվություն ներկայացվելու հանգամանքից:

«Գնումների մասին» ՀՀ օրենքի (այսուհետ՝ նաև Օրենք) 2-րդ հոդվածի 1-ին մասի 23-րդ կետի համաձայն՝ գնման գործընթացը գնում կատարելու նպատակով գնումների մասին Հայաստանի Հանրապետության օրենսդրությամբ նախատեսված ընթացակարգերի, իրավունքների և պարտականությունների իրագործմանն ուղղված գործողությունների

ամբողջությունն է, ներառյալ գնումների պլանավորումը, գնման առարկայի բնութագրերի հաստատումը, պայմանագրի կատարումը և կառավարումը:

Օրենքի 6-րդ հոդվածի՝

- 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ունեն իրենց ներկայացրած գնային առաջարկի մինչև մեկ տոկոսը, բայց ոչ ավելի, քան հիսուն հազար Հայաստանի Հանրապետության դրամը գերազանցող ժամկետանց պարտավորություններ.

- 1-ին մասի 6-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը:

2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում՝ որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Այսպիսով, Բողոքներ քննող անձն արձանագրում է, որ.

- «Պատրոն ՌՄ» ՍՊԸ-ն հարկային մարմնի կողմից վերահսկվող եկամուտների գծով հայտը ներկայացվելու օրվա՝ 19.07.2018թ. դրությամբ ՀՀ պետական բյուջեի նկատմամբ ունեցել է գնումների մասին ՀՀ օրենսդրությամբ սահմանված շեմը գերազանցող՝ 34,106 ՀՀ դրամի չափով ժամկետանց հարկային պարտավորություն:

- Ընկերության կողմից 19.07.2018թ. տույժի (ժամկետանց պարտավորություն) մարման և ԱԱՀ-ի գծով պարտավորությունների կատարման նպատակով, հարկերի միասնական հաշվին վճարվել է 9,570,000 ՀՀ դրամ:

- Ընկերությունը 20.07.2018թ. դրությամբ որևէ հարկային պարտավորություն չի ունեցել, այլ ունեցել է դեբետային մնացորդ՝ 1,243,597 ՀՀ դրամի չափով:

Վերոգրյալով պայմանավորված և հաշվի առնելով, որ հայտը ներկայացնելու օրը՝ 19.07.2018թ. Ընկերության կողմից կատարվել է հարկային պարտավորությունների մարմանն ուղղված վճարումը, սակայն հարկերի միասնական հաշվին հաշվեգրված միջոցներից հարկային պարտավորությունների մարումը կատարվել է միայն 20.07.2018թ., այսինքն, ավելի ուշ, քան Ընկերության կողմից վճարում կատարելը՝ Բողոքներ քննող անձը գտնում է, որ նշված հանգամանքներում Ընկերության ժամկետանց հարկային պարտավորությունների առկայության փաստը չպետք է դիտարկվի որպես Ընկերության կողմից հարկային պարտավորությունների անբարեխիղճ կատարման արդյունք:

Հաշվի առնելով վերոգրյալը՝ Բողոքներ քննող անձը գտնում է, որ «Պատրոն ՌՄ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 6-րդ հոդվածի 2-րդ մասով, 50-րդ հոդվածի 7-րդ մասի 2-րդ կետով՝ ՀՀ գնումների հետ բողոքներ քննող անձը


Ո Ր Ո Շ Ե Ց

ՀՀ ֆինանսների նախարարության կողմից 27.08.2018թ. թիվ 01.1/26-3/15359-18 գրությամբ «Պատրոն ՌՄ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրվանից:

ՀՀ գնումների հետ կապված
բողոքներ քննող անձ



ԷՄԻԼ ՍԱՐԳՍՅԱՆ